



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronologia Monasteriorum Germaniæ Præcipuorum Ac Maxime Illustrium

Brusch, Kaspar

Nürnberg, 1682

Mariæ ad Martyres, ...

urn:nbn:de:hbz:466:1-38166

MARIÆ ad Martyres, Benedictini instituti magnificum cœnobium infra Treverim ad dextram descendens Mosellæ situm, à Thebæorum & Trevirorum trucidatis ibi per Rictiovarum anno 291. propter Christi confessionem sanctis martyribus sic dictum, quod postea alio etiam nomine S. Mariæ ad monachos nominari consueverat, & antiquitus Imperatorum præfectorum Capitolium ac postea Regum Galliæ Palatium fuerat: id inquam in Dei Ecclesiam Virgini dedicatum, conversum & inchoatum est annum Christi circiter 380. à XXXII. Trevirensium Episcopo, nomine & re Felice, sub Damaso Pont. Max. postea vero in monasticæ congregationis domicilium, virtutisq; ac literarum scholam ab ipso sancto Trajectensis Ecclesiæ primoq; Archiepiscopo, Domino Wilibrordo, totius Galliæ Belgicæ apostolo, commutatum temporibus Sergii Papæ annum Christi circiter 694. auxiliis Pipini senioris, ejus videlicet, qui Pipini pusilli avus fuisse legitur. Est in eo cœnobio portatilis ara S. Willibrordi, quam sanctus Dei vir secum ferre solitus est, dum Christum gentibus concionans per Seelandiam, Hollandiam ac Frisiam ambulat: in ea ara portatili ejus loci cœnobitæ tunicam Virginis sese habere jactant, quæ anno Domini 1512. ab Archiepiscopo Moguntino Uriele, & Episcopo Argentinensi Gulielmo, aram aperientibus, inventa & visa est, cum eodem anno Treveri ab Imperatore Divo Maximiliano celebria haberentur comitia. Vastatum est cœnobium hoc à Nordmannis annum Christi circiter 960. sed restauratum à Theoderico, Archiepiscopo Treverensi, à cujus successore Archiepiscopo Egberto præclare etiam auctum & dotatum legitur. Catalogus ejus loci gubernatorum & Abbatum talis mihi Treverica monasteria inspicienti ac perlustranti oblatum est.

S. Willibrordus Archiepiscopus primus Trajectensis.

Tunica B. Virginis.

Catalog. Abbatum.

1. A Deo datus.
2. Hildeboldus.
3. Warnerus.

4. Ropertus.
5. Uroldus.
6. Everwinus.

7. Adal-

- | | |
|-----------------------------|---|
| 7. <i>Adalberdus.</i> | 17. <i>Hermannus.</i> |
| 8. <i>Petrus.</i> | 18. <i>Theodoricus.</i> |
| 9. <i>Udo.</i> | 19. <i>Richardus.</i> |
| 10. <i>Hageno.</i> | 20. <i>Theodericus II.</i> |
| 11. <i>Hermannus.</i> | 21. <i>Robertus.</i> |
| 12. <i>Barno vel Berno.</i> | 22. <i>Hermanus.</i> |
| 13. <i>Folcuinus.</i> | 23. <i>Egidius.</i> |
| 14. <i>Petrus II.</i> | 24. <i>Petrus III.</i> |
| 15. <i>Ludovicus.</i> | 25. <i>Jacobus.</i> |
| 16. <i>Reinboldus.</i> | 26. <i>Walramus.</i> Obiit anno
Domini 1324. |
27. *Petrus IV.* obiit anno Salutis nostræ 1328. cum præfuis-
set 4. annis.
28. *Gerardus* obiit anno Gratiae 1370. cum sedisset ad Ab-
batiae clavum 42. annis.
29. *Theodericus de Lesendorff*, succedens Gerardo, præfuit
21. annis. Obiit anno 1391.
30. *Tilmannus.*
31. *Matthias Stumfius* obiit anno 1428.
32. *Henricus Wolfius* successit Matthiae anno præscripto.
Præfuit annis 19. & qui anno Domini 1443. ab Abbatiam S.
Matthiae Treverensem etiam gubernandam accitus & eò trans-
ferri se passus est, retento tamen hujus etiam cænobii clavo per
quadriennium adhuc: tandem una S. Matthiae Abbatia conten-
tus hanc D. Mariæ resignavit anno Domini 1448. Obiit postea
anno Domini 1450. Sepelitur in S. Matthiae templo ad aram S.
Stephani cum tetrasticho, quod in catalogo Abbatum S. Mat-
thiae require.
33. *Henricus de Blench* successit Wolfio resignanti anno
1447. Præfuit 30. annis. Obiit anno 1477.
34. *Joannes de Breda* præfuit 15. annis. Obiit anno 1492.
35. *Joannes de Treveri* 16. annis ad gubernaculum Abbatiae
sedit & aliquot mensibus. Obiit anno Gratiae 1509.
36. *Caspar de Breda* eligitur auno Domini 1509. penultima
Octobrium. Obiit anno 1526. cum sedisset annis 17.
- O o 2
37. *Joan-*

37. *Joannes de Cellis*, oppidulo Treuerico natus, eligitur anno Domini 1526. Valedixit mortalium consuetudini anno 1544. cum 18. annis monasticam hanc gubernationem tenuisset
38. *Petrus Alfius* designatur Abbas anno 1544. Præfuit annis tribus & mensibus sex. Obiit anno 1547. ipsa die Valerii.
39. *Joannes à Kobern* eligitur in die S. Agathæ anni Christianorum 1547. Præest adhuc currente hoc Jubilæo.



MARIE monasterium Wormaciense, quod vulgo Nonnarum monasterium appellari solet & in suburbio Wormaciensi situm est, ordinis olim D. Benedicti, hodie vero Cisterciensis instituti, fundatum legitur pro puellis perpetuæ virginitati dicatis anno Christi 840. sub Samuele, Episcopo Wormaciensi, ab optimo Imperatore Ludovico Pio, Caroli Magni filio, ut testatur distichon illud templi foribus incisum.

*Claustri fundator Ludovicus Induperator,
Princeps egregius: cui det Deus arce poli Jus.*

Wallenberg.

Inchoatum erat primum in Wallenbergo, Vangionum urbi vicino monte, ex quo tandem urgentibus rebus in Vangionense suburbium translatum est. Abbatissas hujus loci veteres præter hanc subscriptam nullas reperi.

1. *D. Mathilda* vel *Mechtildis*, S. Burcardi Wormaciensis Antistitis germana soror ingeniosissima & laudatissima, Benedictini instituti professor, sedit ad clavum Abbatissæ ante & post annum Christi 1025. Post ejus obitum licentiosius & liberius vivere cœperunt moniales hujus loci, quæ abjecta omni pietatis cura, otio potius & epicurismo, quam sacris vel Christianismo, studebant. Iccirco quæ Abbatissæ huic Dominæ successerint, in literas non est relatum usq; ad tempus introductæ reformationis, quæ auctore Wormaciensi Episcopo, Landolfo, nobili heroe ab Hohennek, in choro hujus cœnobii decenter humato, cœpit anno Domini 1240. Ab eo tempore præfuerunt Abbatissæ ad hoc nostrum usq; seculum, quæ sequuntur.

2. *D. Agnes*, prima Cisterciensis in Nonnarum hoc monasterio Abbatissa constituitur anno Domini 1240. ab ipso Episcopo

po